

REFERAT IA - Inoqarfinnut Ataatsimiititaq d. 19-05-2025

Mødedato Mandag d. 19. maj 2025 kl. 14:30

Mødested Kommunalbestyrelsep ataatsimiittarfiani

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Inoqarfinnut Ataatsimiititami siulittaasumik siulittaasullu tullianik qinersineq.....	6
Inoqarfinnut Ataatsimiititami suleriaasissaq.....	9
2025-mi politikikkut ataatsimiiffissat.....	11
Imaqarniliap akuerineqarnera.....	14

Punkt .: Saqqaa

Ilaasortat:

Lone Rosengreen Pedersen (IA)

Mette P. Barselajsen (IA)

Alex Hermansen (D)

Egon Poulsen (S)

Dorthe-Marie Mogensen-Fontain (S)

Beslutning

Ataatsimeeqataasut:

Lone Rosengreen Pedersen (IA)

Mette P. Barselajsen (IA), Attaveqaatitigut peqataavoq

Alex Hermansen (D), Attaveqaatitigut peqataavoq

Dorthe-Marie Mogensen-Fontain (S), Attaveqaatitigut peqataavoq

Egon Poulsen (S), Attaveqaatitigut peqataavoq

Punkt .: Oqaluserisassat akuersissutigineqarneri

Beslutning

Oqaluserisassat akuersissutigineqarput nal. 11.38

Punkt 1: Inoqarfinnut Ataatsimiititami siulittaasumik siulittaasullu tullianik qinersineq

Beslutning

Siulittaasutut toqqarneqarpoq: Inassuteqaat amerlanerussuteqartuniit akuersissutigineqarpoq Lone Rosengreen Pedersen (IA) siulittaasussatut toqqarneqarpoq, Siulittaasup tulliatut toqqarnerqarpoq: Alex Hermansen (D)

Siumut akuersivoq siunnersuutimut.

Siumumiit Ikinnerussuteqartutut oqaaseqaat: Siumut isumaqarpoq ataatsimiisitaliap siulittaasua, siulittaasullu tullia Nuup avataaneersuussasoq, ataatsimiisitaliap inoqarfiit Nuup avataaniittut pineqarmata. Siumumiit isumaqaratta ataatsimiisitaliap siunertaanik atuutitsinerussasoq taamaasiornikkut.

Inoqarfinnut Ataatsimiititami siulittaasumik siulittaasullu tullianik qinersineq

Aalajangiiffigisassaq

SagsID: EMN-2024-03409

Pisortaqatigiit Allatseqarfiat – kommunaldirektøri Ole Jakobsen / OJAK

Inassuteqaat

Pisortaqatigiit allatseqarfiannit Inoqarfinnut Ataatsimiititamut inassuteqaatigineqarpoq:

1. ataatsimiititaq siulittaasumik qinersissasoq
2. ataatsimiititaq siulittaasup tullianik qinersissasoq

Suliassamik saqqummiussineq

Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersumi § 27 naapertorlugu, ataatsimiititap ataavartup Kommunalbestyrelsimit ivertinneqartup siulittaasussani nammineq qinissavaa. Siulittaasup ataatsimiinnissat piareersassavai, ataatsimiigiaqqusissaaq ataatsimiinnerillu aqussallugit kiisalu aalajangiinerit imaqarniliamut allanneqarnissaat qulakkiissallugu.

Inoqarfinnut Ataatsimiititami suleriaasissami § 2 naapertorlugu ataatsimiititami aamma siulittaasup tullianik qinersisoqarsinnaavoq. Siulittaasup tullia siulittaasup peqannginnerani siulittaasuugallassaaq.

Siulittaasup ataatsimiititaq sinnerlugu suliassat kinguartinneqarsinnaanngitsut imaluunniit nalornisoorutaasinnaanngitsut aalajangiivigisinnaavai. Suliassani inatsisiliornikkut ataatsimiititamut suliassanngortitaasimannngitsuni kinguartinneqarsinnaanngitsunili ataatsimiititami siulittaasup aalajangiitinnani borgmesteri ilisimatittassavaa, tamannali atuutinngilaq suliassani ataatsimiititamut suliassanngortinneqarsimasuni, tak. aqutsinermut inatsimmi § 27, imm. 2.

Ataatsimiititami ataavartumi ilaasortaq kinaluunniit siulittaasup atuuffianut tunngasumik sumilluunniit apeqquteqarsinnaavoq, siulittaasorlu ataatsimiititap ataavartup piumasaqaataanut tunngasumik paasissutissiissaaq. Siulittaasoq sutigut tamatigut ataatsimiititap aalajangiinerinut maleruuttussaavoq.

Inoqarfinnut Ataatsimiititap suliassai aqutsinermi ileqqoreqqusat naapertorlugit aalajangersarneqassapput.

Ataatsimiititanut ataavartunut ilaasortanik qinersineq Kommunalbestyrelsip piffissami atuunneranut sunnuteqassaaq.

Siulittaasumik siulittaasullu tullianik toqqarneqartut kommunip nittartagaani saqqummiunneqassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq
- Kommuneqarfik Sermersuumi Kommunalbestyrelsimut Aqutsinermut Ileqqoreqqusaq
- Inoqarfinnut Ataatsimiititap nakkutillisuuffigisassai

Ilanngussat
Soqanngilaq.

Punkt 2: Inoqarfinnut Ataatsimiititami suleriaasissaq

Beslutning

Inassuteqaat akuersissutigineqarput.

Bilag

Suleriaasissatut siunnersuut

Inoqarfinnut Ataatsimiititami suleriaasissaq

Aalajangiiffigisassaq

SagsID: EMN-2024-03409

Pisortaqaatigiit Allatseqarfiat – kommunaldirektøri Ole Jakobsen / OJAK

Inassuteqaat

Pisortaqaatigiit Allatseqarfiannit Inoqarfinnut Ataatsimiititamut inassuteqaatigineqarpoq:

1. Suleriaasissaq akuersissutigineqassasoq
2. suliaq Aningaasaqarnermut Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq § 28 imm 2. naapertorlugu ataatsimiititap suleriaasissani nammineq aalajangersassavaa.

Inoqarfinnut Ataatsimiititap suleriaasissaa naapertorlugu makku aalajangersarneqarput:

- Ataatsimiititap sulinera
- Ataatsimiititaliap ataatsimiittarnissai
- Oqaluuserisassat suliallu saqqummiunneqarneri
- Aalajangiisinnaatitaaneq, ataatsimiinnermik aqutsineq suliallu saqqummiunneqartarnerat.
- Aalajangernerit pillugit imaqarniliaq
- Nipangiussisussaataaneq
- Ataatsimiititap aalajangernerinik suliaqarneq piginnaatitaaffinnillu agguaassineq
- Suleriaasissami allannguutit
- Atuutilersitsineq

Aningaasaqarnermut Ataatsimiititap suleriaasissani akuersissutigippagu taanna ulloq 2. maaji 2025 aallarnerfigalugu atuutilissaaq. Suleriaasissaq akuersissutigineqareerpat atsiorneqareerpallu Naalakkersuisunut nassiunneqassaaq, kommunit aqunneqartarnerat pillugu inatsimmi § 1, imm. 4. innersuussutigalugu.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

1. Suleriaasissatut siunnersuut

Punkt 3: 2025-mi politikkikkut ataatsimiiffissat

Beslutning

inassuteqaat akuersissutigineqarpoq, ima allannguutitalerlugu: ataatsimiinnerit nal. 15:00 aallartitaassasut.

Bilag

2025-mi politikkikkut ataatsimiiffissatut siunnersuutit

2025-mi politikikkut ataatsimiiffissat

Aalajangiiffigisassaq

SagsID: EMN-2024-03409

Pisortaqatigiit Allatseqarfiat – kommunaldirektøri Ole Jakobsen / OJAK

Inassuteqaat

Pisortaqatigiit allatseqarfiannit Inoqarfinnut Ataatsimiititami inassuteqaatigineqarpoq:

1. ataatsimiititap 2025-mi ataatsimiiffissai akuerineqassasut

Suliassamik saqqummiussineq

Aqutsinermik inatsimmi § 8-mi allaqqavoq ”Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqarnissaannut kommunalbestyrelse pisussaavoq.

Imm. 2. Ukiuni kommunalbestyrelsimut nutaamik qinersiffiusussani ileqquusumik ataatsimiinnissat ullussaat aalajangersarneqartassapput taamaallaat qaammatip kommunalbestyrelsip atuuttup tunuarfissaata naaneranut. Kommunalbestyrelsip qinigaarlaap inissitsiterluni ataatsimiinnermini ukiup sinnerani ileqquusumik ataatsimiittarnissat ullussaat aalajangersassavai.

2025-mi politikikkut ataatsimiiffissat 2025-mi maaji aallarnerfigalugu ukiup sinneranut atuupput.

Inoqarfinnut Ataatsimiititami ataatsimiittarnerit sisamangornikkut nal. 16.00 maajimi ataatsimiinnissaq marlungorneq nal. 9 ingerlanneqartussaq minillugu, ingerlanneqartassasut. 2025-p sinnerani ataatsimiititaq arfinileriarluni ileqquusumik ataatsimiisaaq.

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2025-mi politikikkut ataatsimiiffissat Naalakkersuisunut nassiunneqassapput.

Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununga aningaasaliissutigineqartuni aalajangersakkat malillugit ingerlanneqassapput, taakkununga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Missingersuusiornermut Naatsorsuusiornermullu Immikkoortortamit aningaasatigut naliliineq

Naatsorsuusiornermut Missingersuusiornermullu Immikkoortoqarfimmit oqaaseqaateqartitsisoqanngilaq, ullulli ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit akuersissutigineqarnissaannut, missingersuusiornermut il.il. naapertuussinnaaqullugit.

Inatsisitigut tunngavissaq allakkallu tunngaviusumik uppenarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

1. 2025-mi politikikkut ataatsimiiffissatut siunnersuutit

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq.

